



Synfocity = 479

mail us at : mzsynfo@gmail.com; mizoramsynod@gmail.com - Phone - 2314648

20th March, 2014

- **Rev. William Williams-a hriatrengha (monuments) hawng**
 Chanchin Tha thlen ni (March 15, 2014) khan Serlui Presbytery chuan Rev. William Williams-an March 15, 1891-a Mizote hnena Lal Isua Chanchin Tha a hrihna hmasaber, Kawnpui rama Tlawng lui kam, Kutbul lui chhuaha hriatrengha (monument) chi hnih - Tawngtaina In leh Hriatrengha lungphun an siam chu Rev. Lalzuithanga, Senior Executive Secretary-in a hawng a; a hawwnaah hian Serlui Presbytery chhunga kohhran hrang hrang atangin mi 750 vel telin, tlaiah ruai an theh nghal a ni.
 Tawngtaina In hi a dung 20ft, a vang 15ft leh a liang 8ft, a chung RCC slab leh a chhungah thut theihna tura dawh kan kua a ni a, bang erawh siam a ni lo. Lungphun hi kil thum nei 10ft a sang, granite dum a tuam chhuah vek, a bul thut (base) pawh zau nuam tak kil thum nei bawk, chhawng thum marble a tuam chhuah vek bawk a ni. A chhipah Kraws a awm a, a kil langsar lai ner - a chhim lam hawiah chuan - a chung berah Presbyterian Church Emblem/Logo, a hnuai Rev. William Williams-a thlak, a hming, a pian kum leh a thih kum, a hnuai leh a hlai berah thuziak - *“Mizote hnena Isua Krista Chanchin Tha hrihna hmasa ber chhinchhiahna - Welsh missionary Rev. William Williams (1859 - 1892) chuan Liankung khua Mualvum naupangte hnenah Isua Krista chanchin chu helai Kutbul lui chhuahah hian kum 1891, March ni 15 (Pathianni)-ah a hrih a, chu chu Mizote hnena Lal Isua Chanchin Tha hrihna hmasa ber a ni. ‘Aw Pathian, Nangman Chanchin Tha min pe, Lawmthu kan hrih che a zarah, Halleluiah ! Amen’ Mizoram Presbyterian Kohhran (Presbyterian Church of India) Serlui Presbytery 2013” tih thu dah a ni a. A kil dangah monument siamna atana thawhlawm thawhtute tarlan a ni. Tawngtaina In sak nan leh Lungphun siam nana senso hi Rs. 4,48,813/- (Cheng nuai li singli sangriat zariat leh sawm pathum) a ni.*
- **Tuirial Air Field Vengthar Pastor Quarters hlan**
 March 17, 2014 (Thawhtanni) zingkar khan Tuirial Air Field Vengthar Pastor Quarters sak thar chu Rev. Lalzuithanga, Senior Executive Secretary-in Pathian hnenah a hlan.
 Pastor Quarters thar hlanna inkhawm hi Bialtu Pastor, Rev. K. Lalrammawian kaihruaiin Work Supervisor Upa L. Sata'n Quarters sak dan report a pe a ni. Hlanna hun hmangtu Rev. Lalzuithanga chuan thusawiin Bial mipui te inpekna leh thahnemngaihna avanga Pastor Quarters tha tak an nei thei ta chu lawmawm a tih thu a sawi a. Mi lungngai leh changhai te tana hahdamna In anih theihna turin Pathian hnenah a hlan a ni.
 Tuirial Air Field Vengthar Pastor Quarters hi Synod 89-nain Bial thar ni tura a siam, January 12, 2013-a hawn kha a ni a. Pastor Quarters sak hna hi April 15, 2013 atang khan ban khur laiin tan a ni a, tha 600 chuang zet sen niin a sakna senso zawng zawng chu Rs.25,00,000/- (Cheng Nuai Sawmhni Panga) a ni a. Hetah hian Synod-in Grant a pek zawng zawng chu Rs.24,00,000/- (Cheng Nuai Sawmhni Pali) niin Bial chung Kohhranten Rs.10,00,000/- (Cheng Nuai Sawm) an thawkhawm bawk. Quarters thar hi a dung 50ft. leh a vang 25ft. a ni.
- **Zin**

 - ♦ March 20 & 21, 2014 hian PCI Peace & Justice Committee, Shillong-a tel turin Dr. Robert S. Halliday, Superintendent, Synod Office leh Upa Thanchhuma, Committee Member te an kal.
 - ♦ March 17 & 18, 2014 khan Upa D.P. Biakhuma, Supervisor of Schools chuan Presbyterian English School, Kawkulh ten HSLC 2013-ah result tha an neih lawmna hun a hmanpui.
- **Music**

 - ♦ March 17, 2014 (Thawhtanni) khan Synod Music Committee buatsaihin Lengkhawm zai hruaitu training, Mission Veng Kohhran Hall-ah neih a ni. Training-ah hian Aizawl khawpui chung Kohhran tin atangin khuangpu 2 theuh tel tura sawm an ni a, mi 245 an lo tel thei a, Music Committee Members leh thawktute nen an vaiin mi 255 an tel a ni.
 Training hi Session 2-ah then a ni a, Session 1-na hi Rev. P.C. Pachhunga, Executive Secretary i/c Music in a kaihruai a, Upa F. Lalremthanga, Music Coordinator-in Inhmelhriattirna hun a hmang leh a. Rev. K. Lalthanliana, Commt. Member, Synod Music Committee paper buatsaih 'Kohhrana lengkhawm zai pawimawhna' tih thupui zirho a ni a, sawihona neih a ni.
 Chawhnu lamah Session 2-na neih leh a ni a, Upa P.C. Lalnunthara, Committee Member, Synod Music Committee-in programme a kaihruai a, Pu Lalromawia, Senior Music Instructor, Music Dept. paper buatsaih 'Lengkhawm zai khuang vuak dan' tih thupui zirho a ni a, sawihona leh practical neih a ni bawk.
 - ♦ March 18 - 21, 2014 chung hian Khuangleng Bial huapin Solfa Training neih a ni dawn a, hemi neihpui tur hian Pu Lalromawia, Senior Music Instructor a kal.
- **Family Guidance & Counselling Centre (FG&CC)**
 Family Guidance & Counselling Centre chuan March 10, 2014 atang khan Synod Conference Centre-ah Kohhran Upate pualin, Church Leaders' Intensive Residential Pastoral Care & Counselling Training vawi 19-na a buatsaih a, he training hi March 21, 2014 (Zirtawpni) zanah a kharna hun hman a ni ang.
 He Counselling training-ah hian Champhai Vengthlang, Kolasib Hmar Veng, Thenzawl Field Veng, Kolasib Venglai, Lengpui, Biate leh East Phaileng Pastor Bial chung atangin Kohhran aiawh Upa 20 an training a, Resource persons turte chu - Rev. R. Lalmingthanga, Rev. C. Rosiama, Rev. J. Vanlalhnuna, Rev. Lalrinmawia, Rev. Zothansanga leh Dr. Ruth Lalmuanpui te an ni.

A KHARNA INKHAWM PROGRAMME

A hun : March 21, 2014 (Zirtawpni) 6:00 PM

Chairman	: Rev. R.Lalmingthanga, Director, FG&CC
Inlawmna	: Rev. Lalrinmawia, Teaching staff
Zaipawl	: Bungkawn Bial Zaipawl
Evaluation	: Rev. Zothansanga, Teaching Staff
Certificate sem	: Rev. Lalramliana Pachuau,
leh thuchah	Executive Secretary i/c FG&CC
Thusawi	: Upa C. Lalrizapa, Trainees aiawh
Zaipawl	: Bungkawn Bial Zaipawl

- ☐ **NCCI Centenary lawmna**
 March 27 - 30, 2014 chung hian National Council of Churches in India (NCCI) Centenary lawmna programme, Mission Veng Kohhran Biak Inah neih a ni dawn a, Mizoram Synod-in a thleng dawn a ni.
 Pi Zaii Hall, Synod Conference Centre-ah Centenary lawmna programme neih a ni dawn a, a lawmna pui ber chu March 30, 2014 hian Mission Veng Kohhran Biak Inah neih a ni ang. NCCI hruaitute hi palai 100 vel an ni dawn a, heng bakah hian a thlengtu Mizoram Synod, Baptist Church of Mizoram, Aizawl Theological College leh Mizoram Theological Association atangin palai engemaw zat an tel dawn bawk a ni. *Programme phok lehlamah tarlan a ni.*
- ☐ **Kristian Thalai Pawl**
- ◆ CKTP hruaitu hlui leh a thar ten vawiin (March 20, 2014), 4:00 pm hian charge an inhlan ang. KTP Conference 2014/Diamond Jubilee lawmna an thlirlet ang a, hruaitu thar ten meeting an nei zui nghal ang.
 - ◆ Khawbung Branch Diamond Jubilee lawmna (March 22-23) hmanpuin Asst. Leader Pu Samuel Laldingliana leh Fin. Secy. Tv. R. Lalramnghaka te an kal ang.
 - ◆ CKTP Leader Rev. J. Lalremsiama leh Synod Choir te Kristian Khanglai Pawl, Manipur General Conference vawi 8-na (March 21-24) hmanpuin New Lamka Kochuam-ah an kal ang.
 - ◆ Mizoram Synod Choir Music Video Album thar "Aw Isu, min kai ang che" tih chu CKTP Office-ah lei theihin a awm, Rs. 160/- man a ni. A tha lo lei palhte tan thleng theih a ni bawk.
- ☐ **Synod Mission Board**
- ◆ March 17 - 27 chung hian Tripura leh Karbi Anglong Mission Field Committee neih mek a ni a, hsemi neihpui tur hian Rev. Lalchuanmawia, Synod Mission Board Secretary; Upa Dengthmingthanga leh Upa H. Doremthanga, Committee Members-te an kal. March 18 khan Tripura Mission Field Committee, Agartala-ah an thu a, March 22 (Inrinni) hian Karbi Anglong Field Committee, Diphu-ah an thu leh ang.
 - ◆ March 24 - 3 April chung hian Arunachal East & West, Assam Mission Field Committee neih a ni dawn a, hemi neihpui tur hian Rev. P.C. Pachhunga, Executive Secretary; Upa J. Zoliana leh Upa Vanlalchhunga, Committee Members te an kal ang. Hemi rual hian Ramthar Enthatu Commission atangin Rev. K. Lalthangmawia leh Upa Lalramthanga an kal bawk ang. March 25 (Thawhlejni) ah Arunachal West Field Committee, Itanagar-ah an thu ang a, March 28 (Zirtawpni) ah Arunachal East Field Committee, Khasan-ah an thu leh ang a, April 1 (Thawhlejni) ah Assam Field Committee, Guwahati-ah an thu leh ang.
- ☐ **Campus Ministry**
- ◆ March 18 - 21, 2014 chung hian Gospel Camping, Hunthar Veng Kohhranah neih mek a ni a, camping hi Rev. V.L. Krosschuanmawia, Synod Office; Tv. C. Lalremruata, Outreach Worker leh Counsellor 4 ten an neihpui a ni.
 - ◆ March 22 & 23, 2014 hian East Phaileng-ah Zirna-a Kohhrante mawhpurhna Campaign neih a ni dawn a, hemi neihpui tur hian Rev. V.L. Krosschuanmawia, Synod Office; Tv. C. Lalremruata, Outreach Worker; Upa Lalthlengliana, Electric Veng leh Upa B. Lalrinsanga, Ramhlun Vengchhak te an kal ang.
- ☐ **MSSU**
 March 24, 2014 (Thawhtanni) atangin 2013 MSSU Pathian thu exam lawmman a lak theih dawn a, MSSU Department, Synod Office-ah office hun chungin ngaihven theih a ni ang.
- ☐ **Synfo Recording Rate**
 Synod Information & Publicity Department (Synfo) chuan Recording Rate a hnuai tarlan ang hian a siam a, March 1, 2014 atanga hman tan a ni :
- | CATEGORY I : AUDIO RECORDING | CATEGORY II : VIDEO RECORDING |
|---|--|
| 1. Solo leh Zaipawl : 1 hr. Rs. 200.00 | 1. 1 Camera & Editing : Rs. 1,000.00 |
| 2. Final Processing & Mixing : Hla 1 Rs. 100.00 | 2. 2 Cameras & Editing : Rs. 3,000.00 |
| 3. Music Track siam man : Hla 1 Rs. 500.00 | 3. 3 Cameras & Editing : Rs. 3,500.00 |
| | 4. 3 Cameras with Mobile Studio : Rs. 5,000.00 |
- ☐ **Hruaina Eng FM Radio & TV Programme**
- ◆ **MARCH 21 (FM Zoawi Aizawl @ 7:30 p.m.) :**
Solo : Joy Zairemmawia - Takna I Dah Thin a, **Zaipawl** : Lunglei Zotlang Pastor Bial Zaipawl - Ngaiteh Pathianin, **Thuchah** : Lalniliana Book room Manager - Synod book room rawngbawlina, a thanchhoh dan leh hmasawn dan, **Solo** : Lalnunhlui - Lalpa Chauh, **Choir** : Mizoram Synod Choir - Malsawmna min vurtu
 - ◆ **MARCH 21 (FM Lunglei @ 7:30 p.m.) :**
Solo : Joy Zairemmawia - Takna I Dah Thin a, Synod News, **Zaipawl** : Lunglei Zotlang Pastor Bial Zaipawl - Ngaiteh Pathianin, **Thuchah** : Lalniliana Book room Manager - Synod book room rawngbawlina, a thanchhoh dan leh hmasawn dan, **Solo** : Lalnunhlui - Lalpa Chauh, **Choir** : Mizoram Synod Choir - Malsawmna min vurtu
 - ◆ **MARCH 23 (TV Programme @ 3:00 p.m.) :**
Zaipawl : Mizoram Synod Choir - Ka rawn pan che, **Playback** : Chanchin Tha Thlen Ni Monument Hawmna, **Zaipawl** : BSI Choir - Ka Bible hi
- ☐ **Susamachar Prasaran Programme**
MARCH 23 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Tuikual Pastor Bial - Prabhu Mere, **Group/Choir/Solo** : Dawrpui Vengthar Pastor Bial - Yeshu Masih, **Sermon** : Zohmingthanga - Yeshu Me Changgai, **Group/Choir/Solo** : Tanhril Pastor Bial - Mere Mashi, **Group/Choir/Solo** : Venghnuai Kohhran - Ham Syon Ka
- ☐ **Synod Hotute Programme**
- ◆ March 19 - 25, 2014 chung hian Mynamar Kohhran tlawh turin Rev. K. Lalhmuchhuaka, Synod Moderator; Rev. Lalzuithanga, Senior Executive Secretary; Upa H. Zoliana, Synod Secretary (Sr.) leh Rev. B. Sangthanga, Synod Secretary (Jr.) te an kal. Anmahni tawiawm tur hian Peter Lalanpuia, Synfo Cameraman a tel bawk.
 - ◆ March 124 - 26, 2014 chung hian PCI Working Committee, Shillong-a tel turin Rev. Lalramliana Pachuau, Executive Secretary a kal ang.
 - ◆ March 24 - 3 April, 2014 chung hian Arunachal East & West, Assam Mission Field Committee neih a ni dawn a, hemi neihpui tur hian Rev. P.C. Pachhunga, Executive Secretary a tel ang.

NATIONAL COUNCIL OF CHURCHES IN INDIA (NCCI) CENTENARY CELEBRATION PROGRAMME

1. **Date** : March 27–30, 2014
2. **Host** : Mizoram Synod
3. **Hosting Church** : Mission Veng Presbyterian Church, Aizawl, Mizoram

March 27, 2014 (Thursday) – Conference Centre :

1. Arrival
2. Moderator's Dinner with "light entertainment" at 6:00 to 8:00 p.m. (to be arranged by the host Mizoram Synod)

March 28, 2013 (Friday) – Conference Centre

- Inauguration : 9:30 a.m. – 12:30 a.m.
- 9:30 a.m. – 9:45 a.m. : Introduction of the Dignitaries by Dr. Hrangthan Chhungi, Co-ordinator of the Programme
 - 9:45 am – 10:15 am : Inaugural Worship by Aizawl Theological College
 - 10:15 am to 10:30 am : Welcome Address by the Mizoram Synod Moderator
 - 10:30 am to 10:45 am : Greetings – Rev. Dr. Roger Gaikwad, General Secretary, NCCI
 - 10:45 am to 11:20 am : Inaugural Address by Rt. Rev. Dr. Taranath S. Sagar, President, NCCI
 - 11:20 am to 11:40 am : Tea Break
 - 11:40 am – 12:45 p.m. : Keynote Address : By Rev. K. Lungmuana, former General Secretary of NCCI "**Towards Integral Mission and Grassroot Ecumnism**" (Centenary Celebration Theme – NCCI will look into the resource persons).
 - **12:45 – 1:45 p.m. : Photo Session**
 - 1:15 pm – 2:30 pm : Lunch Break
 - 2:30 pm – 3:45 pm : Paper Presentation and Discussion : Rev. Dr. R.L. Hnuni (former Principal of AICS – yet to get confirm).
 - 3:45 pm – 4:00 pm : Tea Break
 - 4:00 pm – 5:15 pm : Paper Presentation and Discussion : Rev. Dr. Roger Gaikwad (General Secretary – NCCI)

March 29, 2014 (Saturday)

- 9:30 am – 1:00 pm : Visits to significant places (Sight seeing)
- 1:00 pm – 2:30 pm : Lunch
- 2:30 pm – 5:00 pm : Free time – Shopping etc...
- 5:00 pm – 6:00 pm : Dinner
- 6:30 pm – 7:00 pm : Worship – Visitation to different churches

March 30, 2014 (Sunday) – Mission Veng Kohhran Biak In

- Sunday Morning
- Sunday Afternoon
- Sunday Night

March 31, 2014 (Monday)

- Departure : dropping at the airport will be taken care of by the Mizoram Synod

* * *

KOHRANIN NAUSEN THI VUI TUR CHIN TICHANG

Kum 2012 leh 2013 Synod Inkhawmpui chuan nausen, hlamzuiha thite Kohhranin a vui dan chungchang a ngaihtuah a. Kohhran chuan Kristian kan nih hmaa kan pi leh puten nausen thi an buaipui dan kha tun atan chuan a tawk lo tiin nausen thite chu mitthi dang kan vui dan pangngaia vui hi Pathian Thu atanga thlir pawhin kan tih dan tur ni zawkin a hria a. Hetiang hian Synod chuan a tih awm chin ruahmanna a siam ta a ni :-

1. *Nausen an thihin Biak In dar, mitthi dar vuak ve tawh ni se.*
2. *Nausen dama piang tawh phawt chu an thihin Kohhranin mitthi dang kan vui thin dan angin vui tur a ni ang.*
3. *Vuina inkhawm pawh Kohhran inkhawm, hunserh pawimawha ngaiin Kohhran mite chuan a theih ang anga intawiaawm tlan ni se.*
4. *Mitthi dang kan vui dan ang bawkin thlanah pawh vui ni se.*
5. *Kohhran inchhiarna, mitthi zat chhiarnaah chhiar tel tur a ni ang a, kum tawpa mitthi sunna hunah pawh sun tel tur a ni ang.*
6. *Hlamzuih chungchanga Chhiatni/Thatni kaihhruaina kan lo neih sa chu hei hian a luahlan ang.*

Hei bak rel ngai a awm a nih chuan Kohhran hruaitute, Khawtlang hruaitute leh mitthi chhungten a tul anga inberawnin rel fel mai tur a ni ang.

18.3.2014

UPA H. ZOLIANA
Secretary, Mizoram Synod

ALUMINIUM MAMAWH KOHRANTE TAN

Synod Social Front chuan Mizo thiam chi, Aluminium hnaa eizawng duhte tan Aluminium Mistiri Training a buatsaih a. He training-a zir chhuakte hi Biak In sa mek Kohhrante leh mimal pawhin kan mamawh dan azirin rawih theih reng an ni a.

Biak In leh Kohhran hall sa laite tan pheih chuan installment-a rulh theih dan kawng zawn mek a ni. A duhte chuan Synod Social Front Office-ah hrilh hriat ni se a tha ang e.

REV. P.C. PACHHUNGA
Executive Secretary
i/c Synod Social Front

CAMPUS MINISTRY

Campus Ministry chuan a mamawh apiang te tana biak theih turin e-mail id a nei thar a, nuna harsatna neite tan biak theih reng a ni.

campusministry123@gmail.com

PATHIAN THU ZIR DUH TAN

Presbyterian Bible School, Mission Veng-ah Session 31-na atan Certificate in Theology (C.Th) Admission hawn a ni a. Dil duhte tan a hnuacia tarlan hi hriat tur a ni e.

- 🕒 Admission Form : Office hun chungin Rs. 10/- a lei theih a ni
- 🕒 Form theih hun : April 30, 2014 (Nilaini) tlai dar 3:00 thleng
- 🕒 Dil theih chin : Class VII passed, kum 16 chin, Kohhran dan chungga awm
- 🕒 Interview : May 2, 2014 (Zirtawpni) chawhma dar 10:00
- 🕒 Class tan hun : May 6, 2014 (Thawhlejni)
- 🕒 Zir hun chung : May - August, 2014
- 🕒 Stipend : Zirlai pakhat hnenah thla tin Rs. 500/- pek a ni ang. Hostel a awm lo.

Hrechiang duh tan Phone No. **8575308007/2317343/2350082**-ah zawh theih a ni.

REV. R. LALENGMAWIA
Principal, PBS